



Ch'ok ts'aji tuba ni Jok'om tuba Konkursu Publiku 2026 k'a ochiket tu Serbisiu Profesional Elektoral Nasional tu woyom ti INE

Noj Institutu Nasional Elektoral (INE) nimte' t'ok ni Direksion Ejekutiba tuba Serbisiu Profesional Elektoral Nasional (DESPEN) u jok'e' upete ajkibnajo'b i machkatak ya'chich'an ti patano'b ti Institutu ke yolbajo'b t'ibik iski tan unp'e patan más noj ke jini ke bada ya'an tubajo'b k'a ochiko'b tan ni Konkursu Publiku 2026 k'a u ch'e'o'b unp'e patan ke machto an u yum tan Serbisiu Profesional Elektoral Nasional, ka' u yile' u Noj T'an tuba ni patano'b ke machto an u yum ke asapinti k'a ni Junta Jeneral Ejekutiba.

Jinda Konkursu yolba chich yakintik tuyaba mach unp'e u p'iskiba uts, kachichka une ajnik chich sis u k'ajalin tuba ni Serbisiu Publiku k'a utik mulpatan tan u k'ini jink'in u yakinte ajnojalo'b t'ok jipom, jinichichbayá i utsilé tuyak'o i k'a tsits'ak u mandar tan ki kajla.

I. Kua' u k'atinte

- Ajniket kama' ajkibna tan ki kajla, che'chich tiki k'ini chich ajnik ta'a upete a tojolé.
- Ajnik ta'a ni a yok kredensial ka t'ok a yakín ajnoja.
- Mach debe ajniket tan niunp'e woyom politiku.
- Mach debe ajnik ts'ibi' a k'aba' k'a unp'e woyom politiku tuba kua'chichka patani'b tan u k'ini jink'in u yakinte ajnoja tama ni uxp'e ja'p jan numijo'b.
- Yo chich mach ajnik niunp'e kua' ke mach u yiktanet a chen patan.
- Mach debe ajniket ts'eje' t'ok INE o t'ok Serbisiu k'a kua'chichka jini mach uts.
- Debe ajniket t'ok upete kuaxka a k'atbinte t'ok jini ke a chi kinjun i ni a patani'b ke a chi oniba k'a a ch'e' kua'chichka patan wida.
- Yo a numsen upete ni ebalusiono'b
- K'ini chich a ye'e' u juni "8 de 8 kosa mach ajnik ts'ibajtesia" ke debe a jot'in.



II. Kua' u yilkan tuba jinchichbayá t'ok woyomlé

Ni Konkursu Publiku 2026 u ch'ije tuyaba noj k'enel mandat'anjo'b tuba jinchichbayá, bajka mach ajnik ts'ibajtesia, ka'chich tiki woyomlé. Jinuk'a u k'alín ilkan ke mach ajnik kua'chichka jini mach uts utik ka' ni a kiji kada a te, a t'an, jiy'p'e ja'p a bisan, kua'chichka a diskapasidaj, a jeneru', u biji tuba a seksualidaj, kach'eda a chinen aba o kua'chichka u yute t'an ta'wak'o, kache'da an a wutsi, a ch'ujulé i otrosjo'b asuntu ta'a. Che'chich jini tiki, u k'alín k'ajti'inte u autoaskripsion tuba ni ajyokot'ano'b, ni ajebejo'b afromejikanu' i machkatak ya'la'anob tan u tomti tuba dibersidaj seksual i jeneru, ka' u yile' u toja ni mandat'an

Ni k'imbitajo'b k'a ochiket i upete jini uts utik ke ni DESPEN u xe u yik'benet u tisen, k'enel kua'o'b, kama jindajo'bba: pukintik ni junob ti formato'b dijitalo'b k'a ajnik tan a k'i'b, numstik t'an t'ok un'p'e yok ch'ok ts'aji tuba ni Jok'om ti yokot'ano'b; ajnik ta' ch'e'jpa k'a a k'ine' u Subsistema; jibkak u ch'ok siti u k'a ochiket tan u ch'ena dijital; k'inkak k'inil k'imbitajo'b de tiklaya i tuskak u oriji tan u k'ini eksameno'b; i kua'chichka tiklaya tama ni k'itomo'b, kama' ajnumsjat'an de k'ib'ilt'an ta ki na'kajla o un'p'e tiklaya k'a a nikin aba.

Ajebejo'b t'ok diskapasidaj u chen trebejo'b u k'atin upete jini uts utik dejde jini k'in ke u ts'ibin u k'aba' ixta 10 k'ino'b antes ke u tik'e' kachichkamba u etapaji, ka' u yile' tan u Ts'ibi't'an k'a ochiket i upete jini kua' uts utik. Ka'tiki, kama' un'p'e u p'isk'iba, ajpatano'b ti INE machkatak u kinintan untu kristianu u xe ti ik'binte 60 minutu'jo'b ajunjun'p'e k'in tan u patanyuwa, tama ni k'in u yile' u xe chich ti ajne i jink'in u p'alín ni eksamen de k'ajalino'b, k'a u tuse' ubajo'b

III. U etapaji tuba Konkursu 2026

Ni Konkursu Publiku u xe ti ute t'ok bolon'p'e u yok etapaji tan jimba k'ino'bda:

Jink'in u tuskinte i u pukinte ni Jok'om:	Jink'in u tuskinte ni Jok'om u xe ti ute ni 26 tuba marsu ti 2026, u momentuji k'a u ch'e' chinintik ti pajina www.ine.mx ni junob uts tuba ni Konkursu Publiku. Jinda t'an u xe ti laj xupo ni 12 tuba abril ti 2026.
--	--



Jink'in a ts'ibin a k'aba', a chen aba postulá i a wile' a xe chich ti ajne:	U k'ini k'a a ts'ibin a k'aba' i a chen aba postulá u xe ti ute tuyak'o u Subsistema tuba Konkursu Publiku (https://concurso-publico-spen.ine.mx) dejde ni 6 al 12 tuba abril ti 2026. Jini k'in k'a a wile' a xe chich ti ajne tan ni eksamen u xe ti ute dejde ni 25 al 30 tuba abril ti 2026 tan u yotot tuba ni Junta Lokalo'b i Distritalo'b Ejekutiba.
Jink'in u yute ni Eksamen tuba k'ajalino'b:	U xe ti ute ni 16 tuba mayu ti 2026 tuyaba jini modalidaj "Eksamen tan a wotot" ajniba, u xe ti jibkan ni eksameno'b jinijo'b k'a t'ok a tuse' a k'ajalin. Jini kristianu machka yolba ochik, uts chich ajnik tuba u koneksion ti internet i k'imbita de komputo t'ok pa'si'byets' i numsi'bt'an ka' u yile' u Ts'ibi't'an.
Jink'in u chininte si a chen kumpli t'ok kuaxka u k'atbinte:	Dejde ni 5 al 12 tuba juniu ti 2026, ni kristianujo'b machkatak yolba ochiko'b debe u tuskun tuyak'o ni Subsistema tuba Konkursu Publiku ni u junla ke u k'alín tich'e' ya' ts'iki an t'ok kuaxka jini u k'atbinte.
Jink'in u yute ni Ebalusion sikometriku:	U xe ti ute ni 27 tuba juniu ti 2026 tan u yototi tuba ni Junta Lokalo'b Ejekutiba.
Jink'in u yute ni k'itomo'b:	U xe ti ute dejde ni 8 tuba juliu ti 2026 k'a xibil panelo'b ke u woye' ch'unikilbajo'b ya'chich'an ti patano'b ti INE.
Jink'in u laj woykan u xupiba ni a kalifikasion:	Ni u xupiba a kalifikasion u xe ti woykan t'ok jini a pa'si tan ni eksamen tuba k'ajalino'b, ni ebalusion sikometriku i ni k'itom. Upete jinda u xe ti pukinte tan u tik'iba u chap'eli'b woyolk'in tuba agostu.
Jink'in u yilbinte kaxka une u chijo'b ganá:	Ni k'in ti ilkan ni kristianujo'b ke u chijo'b ganá u xe ti chininte ni u chinp'eli'b woyolk'in tuba septiembre ti 2026.
Jink'in u k'inkan ni listajo'b tuba reserba:	U xe ti tuskinte tama ni jo'lajunp'e k'ino'b de patan, ji'pat ni k'in jink'in u yilkan kaxka une u chijo'b ganá. Kada patan u xe u woye' chap'e listajo'b tuba reserba: unp'e tuba ixiktako'b i otronp'e tuba winiko'b i u xe ti jiliknan waxaklajunp'e meso'b.



K'ini chich ilkak, kama' u tich'kan ajujup'e patan, ni eksamen tuba k'ajalino'b u xe ti jiliknan uxp'e orajo'b t'ok treinta minutujo'b o ajta jo'p'e orajo'b, segun jini u k'e'nan ke mu' a p'alín ya' woyo tan ni ebaluasion. U xupiba a kalifikasion u xe ti p'isinte une tan un'p'e ji'bte' de 0 ajta 10, t'ok chap'e desimas i mach'an u wolo'an. Ni kalifikasion mas emi k'a t'ok a chen trebe a numsen u xe ti tich'kan kama' u yile' u puntuji tuba korte ya'chich'an tan Jok'om tuba kada patan.

U xupiba kalifikasion mas emi k'a t'ok a numsen jin une 7.00 i u xe ti woykan ka' u yile' tan jindajo'b faktoro'b t'ok u p'iskiba.

- Eksamen tuba k'ajalino'b: 60%
- Ebaluasion sikometriku: 10%
- K'itom: 30%

IV. U p'iskiba k'a ajnik a patan

K'a pukintik ni patano'b ke machto an u yum u xe ti ute kama' u tich'e' u p'isk'iba tuba ni patan:

1. Bokaliajo'b Ejekutiba tuba Junta Lokalo'b Ejekutiba:

- U xe ti apliká chap'e u p'iski'ba k'a ik'ak. Najtiki, chinp'e bakante tse'ma u bixejo'b tuba ixiktako'b i u kokoj xe ti ik'bintejo'b ka' u chininte tan u orden tuba prelasion kama' u tich'e' u listadu tan u xupiba resultadujo'b tuba ni patan. De ya'iba, ni uxp'e bakante ke kolak sin u yum u xe ti ik'an tu yaba u p'isk'iba ta u xupiba kalifikasion mas iski, k'a utik desikná jini kristianu ke ajnik tuba ni resultadu mas uts tama ni Konkursu Publiku.

2. Yinil patano'b tuba Bokalia Ejekutiba ta Junta Lokal Ejekutiba:

- **Patano'b tse'ma tuba ixiktako'b:** 101 bakantejo'b, u xe ti ik'binte ixiktako'b machkatak yolba ochiko'b tan u orden tuba prelasion ka' u tich'e' ni listadu tuba u xupiba resultadujo'b ajujup'e patan.
- **Mandat'an paritariu:** 93 bakantejo'b, jinda u p'isk'iba u xe ti ute apliká jink'in ajnik chich un'p'e u xibil tomti t'ok ixiktako'b i winiko'b. Ni bakantejo'b u xe ti ik'bintejo'b ajujuntu, u tik'e' t'ok ixiktako'b i de ya'i u tsiypitin tan u yoko orden tuba prelasion.



- **U xibil p'isk'iba tuba desiknasion:** 101 bakantejo'b, ni 70 % tuba ni bakantejo'b ch'uju uk'ajo'b tuba ixiktako'b i ni 30 % ke kolak u xe ti ik'binte ka' u tich'e' u xupiba kalifikasion mas iski. U yute chap'e listajo'b, najtiki u t'unkan jini patano'b ke u bixejo'b tuba ni ixiktako'b, de ya'iba jinijo'b ke kolak sin u yum u xe ti ik'binte tan u yoko orden tuba merito.
- **U iskilan tuba u xupiba kalifikasion:** 31 bakantejo'b, jinda u p'isk'iba u xe ti ute apliká tan k'inil patano'b, ka'chich jini tiki tan patani'b bajka mach'an noj k'enel ixiktako'b. Tan jinda kasu jinda, ni bakante u xe ti ik'binte machka ajnik tuba u iskilan tuba u xupiba kalifikasion, k'a k'alín k'ajti'kak noj merito sin ke u ts'ibajtesan kuaxka u sakín t'ok jinchichbayá.
- **U k'inil p'isk'iba de yokot'an tan distritujo'b bajka an yoko kajo'b:** Ni jinda u yilkan k'a utik garantisá ke ni bakantejo'b tan Junta Distritalo'b Ejekutiba tama yoko kajo'b u ch'e' ajnik tuba ajebejob machkatak yo ochik ke yuwi ts'aji ti kua'chichka yokot'an tan ki na'ka'bla ke utik tan ni distritu jini, k'a tsits'ak ni kuxulé i k'a k'alín k'ajti'kak ni xibil k'ajalino'b tan ki kajla. Jinda u p'isk'iba u xe ti ute apliká prioritariamente, tu pinte' kua'chichka k'imbíta ka t'ok bintik unp'e patan; tse'ma jink'in mach'an machka t'ok jinda p'ismuk' u xe ti ute kama' u yile' tan ni otrosjo'b u p'isk'iba ya' chininti oni tan ni Jok'om.

La página oficial www.ine.mx será el medio de publicación y notificación general del Concurso Público, mientras que las notificaciones individuales se enviarán desde el correo concurso-ine.spen@ine.mx. Durante el desarrollo del proceso operará una mesa de ayuda a través de INETEL, en el teléfono 800 433 2000, con atención de lunes a viernes, de 9:00 a 18:00 horas.

Ni totoj pajina www.ine.mx u xe ti ajne de u k'imbíta bajka u puklinte i u ts'aykinte upete tuba ni Konkursu Publiku, tan otronp'e la'o si ya'an unp'e ts'aji tuba kada kristianu u xe ti tiskibinte korreu dejde concurso-ine.spen@ine.mx. Tama u k'inije tuba ni prosesu jinda unp'e pech'te' tuba tiklaya u xe ti ajne tan INETEL, t'ok ni telefonu 800 433 2000, tan u oriji tu najtikil k'in (lunes) ixta u jop'eli'b k'in (biernes), de 9:00 alaj 18:00 orajo'b